



Broj: 03-11-7-588-12/20
Datum: 10.11.2020. godine

Na osnovu člana 69. stav (3) i člana 70. i 71. Zakona o javnim nabavkama („Sl. glasnik BiH”, broj: 39/14), a u vezi sa dopisom o odustajanju od potpisivanja ugovora “ASPO RAIL” d.o.o. Sarajevo, od 09.11.2020. godine, direktor Agencije za državnu službu Federacije BiH, d o n o s i

O D L U K U **o poništenju postupka javne nabavke roba - računarske opreme**

Član 1.

Poništava se postupak javne nabavke roba - računarske opreme, putem Konkurentskog zahtjeva za dostavu ponuda sa namjerom provođenja e-aukcije, u skladu sa članom 69. stav (3) Zakona o javnim nabavkama (“Službeni glasnik BiH”, broj 39/14).

Član 2.

Ova odluka se dostavlja ponuđaču koji je učestvovao u postupku javne nabavke, u skladu sa članom 71. Zakona o javnim nabavkama.

Član 3.

Ova odluka objavit će se na web-stranici Agencije za državnu službu Federacije BiH, www.adsfbih.gov.ba, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-588/20 od 29.09.2020. godine. Javna nabavka je pokrenuta putem Konkurentskog zahtjeva za dostavu ponuda. Procijenjena vrijednost javne nabavke bez PDV-a je 8.200,00 KM.

Obavijest o nabavci, broj: 167-7-1-101-3-11/20 objavljena je na Portalu javnih nabavki, dana 08.10.2020. godine.

Komisija za javnu nabavku računarske opreme, imenovana Rješenjem direktora Agencije, broj: 03-11-7-588-1/20 od 30.09.2020 godine, izvršila je otvaranje, te pregled i ocjenu zaprimljenih ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 2 (dva);
- da su obje ponude blagovremeno zaprimljene;
- da nije bilo neblagovremenih ponuda;
- da je jedna pristigla ponuda prihvatljiva;
- da je jedna pristigla ponuda neprihvatljiva;

U postupku donošenja ove odluke, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Ugovorni organ je na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj: 03-11-7-588-9/20 od 22.10.2020. godine, donio Odluku o dodjeli ugovora najpovoljnijem ponuđaču, broj: 03-11-7-588 -10/20, a ista je zajedno sa Zapisnikom o pregledu i ocjeni ponuda Komisije za javne nabavke, upućena svim ponuđačima koji su učestvovali u ovom postupku javne nabavke. Nakon isteka žalbenog roka, Ugovorni organ uputio je na potpis, izabranom ponuđaču Ugovor o nabavci računarske opreme, broj: 03-11-7-588-11/20 od 05.11.2020. godine.

Dana 10.11.2020. godine, izabrani ponuđač ASPO RAIL d.o.o. Sarajevo, dostavio je dopis – Povrat Ugovora o javnoj nabavci roba – računarska oprema, u kojem navodi da nije u mogućnosti isporučiti ponuđenu robu – HP laptope iz prihvaćene ponude, broj: 145/20, u skladu sa zahtijevanim tehničkim karakteristikama, u predviđenom roku za isporuku, jer u vremenskom periodu od dana dostavljanja ponude do dana potpisivanja ugovora, navedeni laptopi su prodati, a zbog velike potražnje računarske opreme na tržištu i problema sa uvozom iste, uzrokovane epidemijom koronavirusa, tražene laptope nije moguće nabaviti u ugovorenom roku, te iz navedenih razloga, izabrani ponuđač, odustaje od ponude.

Kako je u konkretnom postupku javne nabavke dostavljena samo jedna prihvatljiva ponuda, ugovorni organ nije mogao odabrati drugorangiranog ponuđača, te se, u skladu sa članom 69. stav (3) Zakona o javnim nabavkama BiH („Sl. novine BiH“, broj 39/14), donosi Odluku o poništenju postupka javne nabavke.

Iz navedenih razloga, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa Agencije za državnu službu Federacije BiH (Kulovića broj 7, Sarajevo), najkasnije u roku od 5 (pet) dana od dana objave ove Odluke, na način propisan Zakonom o javnim nabavkama ("Službeni glasnik BiH", broj 39/14) .

Žalba se podnosi u najmanje 3 (tri) primjerka.



DIREKTOR

Refik Begić, magistar uprave

Dostaviti:

- Ponuđaču
- Odsjeku za računovodstveno-finansijske poslove
- u spis predmeta
- na web stranicu
- a/a